

四庫全書

集部

欽定四庫全書

集部

南湖集卷七

詳校官庶吉士臣范逢恩

主事臣呂雲棟覆勘

膳錄監生臣俞光豫

欽定四庫全書

南湖集卷七

宋 張鎡 撰

五言絕句

桂隱紀詠

并序

淳熙丁未秋僕自臨安通守以疾丐祠既歸  
桂隱遂捐故廬為東寺指新舍為西宅南湖  
以經其前北園以奠其後因攷立堂宇橋舟  
諸名各賦小詩一篇緣題述興不拘一律區

區樂閒之心聊用以自見云

桂隱

未說花開好  
團看葉自奇  
明朝非願避  
愛樹恐相離

東寺

數舉營巢債  
纔成作佛廬  
隨堂展單鉢  
均是道人居

北園

地勢本居中  
因湖別南北  
三十六計中  
吾今計為得

山堂

誰無數椽屋蓋成多是俗如此亂山中非關松石竹

高寒堂

下瞰東鄰寺鐘聲殷兩山貪吟嘗忍冷薄夜不知還

安閒堂

不作風波民已鑄赫胥印同好豈無人望崖行少進

翠樾堂

寶畫光騰處喬林更碧巒權衡主人福壓盡世間官

清夏堂

夜月三杯色晴荷十畝香若教興世念不甚覺風涼

在錦

池邊

尚友軒

相別音書斷相逢語話稀平生膠漆處正要世情疑

煨芋軒

煖坐無寒涕窻油雪讓明地爐糠火熟飽聽亂松聲

殊勝軒

杜老詩中佛能言竹有香欲知殊勝處說著早清涼

傳經軒

香炷對清晨微言得問津所師非傳癖手澤仰如新

讀易軒

大易緣何有難逃此問中不從橫畫會交象總能通

詠老軒

因看上下經便無煩惱事慈儉不為先躬行五箇字

真如軒

憲外植  
巨竹

翠竹是真如目前須薦取恁麼做禪和被人輓似鼓

易容軒

世界無非我心懷即是天王堂并草舍何地不安然

泰定軒

觸處天光發何嘗離定中問云誰散亂又道主人公

玩芝軒

陰洞親尋遍燈驚蝙蝠飛堅明敲紫玉一似采時肥

石林軒

濯濯何年有先公手種成至今揩痒虎來認讀書聲



俯巢軒

化國舒長日林隈分外知  
年年庭蔭匝數遍鵲尋兒

書葉軒

拋絮輕於柳樓禽不待凰  
題詩非勝紙留詠托枝涼

靜賞亭

皂隸百輕肥金朱彈丸篋  
君方踞胡床風掀絳冊葉

擁山亭

揜抱復回環亭居紫翠間  
思量天下物誰更好如山

撫鶴亭

立縞芳桂陰置汝固已當他年莫姓丁止厠子姪行

俯鏡亭

喚作大圓鏡波文從此生何妨雲影雜榜樣自天成

依綠亭

月出煙暝時水調誰家唱短櫂欲相尋先經此亭上

雲外亭

芒屨方疑濕天晴逕又乾由來雲在下木杪是欄干

沙際亭

小檝輕撐去無人伴此翁午煙青一點魚虎出深叢

鱸鄉亭

溪叟挈筇簪曾來候此亭未知余不殺剛要著魚經

摘霞亭

霞即杏也

一片吹來錦人言是杏花倚欄堪把玩勝似日邊霞

瓊芋亭

莫羨海棠色聽言著子時驪珠千萬顆撒向嫩桑枝

梁金亭

把批

柘彈黃金子誰將滿樹裝珍禽來往慣風落不驚忙

滿霜亭

霜即  
橘也

疑駕洞庭颿累累看繞山花時芳氣潔伯仲素馨間

聽鶯亭

不向他園去能來共竹林故鄉知我念特地奏秦音

松橋

欲向松間去梅西竹塢穿莫言吟興在風雪灞橋邊

竹橋

新篁故蒙叢惡草剛蒼翳刪薙似少恩成渠玉無際

柳橋

初因橋種柳却用柳名橋桂隱從茲入春風莫浪招

平橋

橋向平邊度風從濶處來泠然旬五日無去亦無回

興遠橋

窈窕或崎嶇不是邯鄲步因來此凭欄又送孤鴻去

歸喜橋

半歲吏塵役天書教放歸思量難報稱安穩飯和衣

靜樂廬

城市非無地如何此結廬一家耽靜樂兩個水邊居

心足寮

聞道華胥國依稀似醉鄉近來參得透睡穩不因床

茂光臺

風日清美時月露澄爽際能來此徜徉掃除聞見翳

安樂泉

潛通大壑水一杯千慮散只因都放下如熱病得汗

鵲泉

鵲飲樹底泉人立石邊路相親不相疑所性平等故

樵逕

路入前山處蒼苔裹石稜不逢負薪叟時見隔林僧

霞川

澗兩岸  
種桃

方舟卧看花丹霞二三里窮眼謝元暉休言餘散綺

櫟蘋舟

玉立蜻蜓小香欺漫港秋百年清絕意孤棹抵封侯

戲答客問

桂隱芙蓉盛柴門日日開若無詩與酒不請看花來

題松身

不見蟄根時唯喜蒼陰覆借汝繁間聲當我風信句

前後植木犀樓上有月臺盡見諸山

盛世適親逢樓臺得地雄無形兼有象俱在太和中



登春陌

花柳醵通津幽居日日春門前往来者同是華封人

香玉花

髣髴是茶蘼金沙著白衣香於佛見笈大似野薔薇

題水墨畫水仙木犀

翠袖擎金觥香風動寶車几間莫輕覩故故薄雲遮

昔年風露鄉裙破鬱金黃別來參祖意壞色染衣裳

題瑞香花扇

夢裏誰曾見香篝熟繡蒙枝間兩飛蝶我共漆園翁

汎星槎

鼻祖尋河源織女喜停機我不願上天湖中亦忘歸

題平甫弟梁溪莊園

兩字雖差遠花繁好作名假饒千萬偈難狀爾多情

茶谷閒步

自携折脚鐺煮芽仍帶葉客至請渠嘗俗塵消曠劫

澗西閒汎

曲曲通航小蘭橈手自移映叢憐白鷺特地過灣遲

同王夢得夜坐

何處起香雲清談我與君雨來臨水坐魚躍隔窻聞

晚興

江漢舊名侯飄蕭髮未秋時榮那似此天地入詩遊

道經寒蘆港

蘆深可藏人下有扁舟泊正似洞庭風日暮孤帆落

戲成白髮二首

怕見人言老梳頭夜二更誰知燈燭夜漏逗愈分明  
朝朝摘白髮新生亦非黑縱使白不生禿翁還諱得

秋夜

人間睡正濃月到修髯底三伏凜如秋蒙頭思衲被

約齋

博學非能事詳言道轉乖只因省氣力處處是吾齋

贈道士

虎向深淵繞龍歸猛火蟠崑崙飛日月奚但鼎中安

過鷺脰湖

曉霧濛鴻合山藏岸絕痕浩波吞日去金晃玉乾坤

珍林

李棗栗銀杏橙梨柿木瓜楊梅與金橘不讓滿園花

并閭嶺

稍叢暮氣升還為露珠滴暗響出林隈鏘鏘小金石

藥溪

野藥隨宜種芎苗嚼最香屐痕休厭數橙樹逐溪長

南湖

胸中詩本慳天教專一壑萬景休全來老夫重然諾

六言絕句

小疾

風雨溪山數宿歸來盡上聲有佳晴小疾何妨隱几隔窻

嬌聽鶯聲

淨相蘭若僧師雅持塑佛疏緣化贈山偈二首

居士賣屋為宅

舊嘗驚餽舍成  
桂隱誅茆之計

蓋成捨與瞿曇尚自無

錢結畧何能轉施南山

一語雅師聽取插草已自完成況是三間殿了如何却欠全身

七言絕句

丁未立春

今歲春從底處回  
非關綆室動葭灰  
幽人昨夜池塘夢  
已見新春草際來

歲旦立春

天心歷數本相同何事偏窺造化功  
蒼震欲承乾健力  
歲端春肇一時中

授受須知道一同機緘默運仰神功  
重輪赫日當天照  
萬國陽和淑氣中

贊美平時萬口同聳觀造化協天功  
聖朝家法皆仁德  
寬大應符帝詔中

從此車書看混同王春丕建四時功  
八千豈但莊椿比  
宸極光符萬歲中



寶翰鍾王妙與同  
虎龍騰躍更新功  
詩成秦觀如佳兆  
適契青宮得意中

結宇城隅野老同  
只將歌詠紀元功  
枯荻亦喜春回早  
為在條風振拂中

春風

春風日日過東牆  
睡起人閒蝶自忙  
吹盡玫瑰能底惜  
只緣銷去一年香

淳熙己酉二月二日皇帝登寶位  
鉉獲廁廷紳

輒成驪喜口號十首

曉色葱蘢麗建章  
今辰天地不尋常  
中宵若沒陰雲蔽  
應見前星日樣光

只似閒時朝殿來  
華駒徐步轉東街  
銅門已見飛騰象  
先下渾銀兩字牌

深嚴黼座瑞光中  
彷彿遙瞻穆穆容  
特衣赭袍緣底事

是日壽皇吉服先就座  
御天嗣聖欲乘龍

宣召班排過隔廊  
聳聞神器授儲皇  
只將揖遜為家法

我家真宜萬代昌

百僚重入賀新君  
億載從今仰大昕  
文德豈惟循舜道  
武功行見訪堯勲

聰哲從來簡帝心  
萬方臣子合君臨  
東堂議事猶經歲  
仰體慈皇屬意深

和風淑氣夾鍾初  
壽域重開際八區  
不戰自令邊徼服  
喜看風動嬈唐虞

聖父移居太母傍  
鑾輿躬侍襲龍香  
乍從黃繖窺天表

愈覺英資似壽皇

黎庶曾何帝力知  
七旬三八又寧時  
春寒誰怕妨花柳  
一日東風萬國吹

小臣奕世沐深恩  
寓直蓬山三十春  
空抱一編無所用  
也叨拜望屬車塵

敬和東宮春日泛湖韻

空林飛彩逐絲輕  
瑞日重光特易晴  
歲歲都人望行樂  
六旂遙映百花明

敬和東宮早梅二首

月質風裳不受塵，獨從天上巧呈新。  
情知壓倒橫斜語，青震專回萬木春。

乾坤連夜玉為塵，照映冰容面面新。  
句妙莫疑難屬和，真成白雪對陽春。

正月初四日聽新樂成絕句

鼇抃鈞天沸，廣場渡江何翅紀。  
鏗鏘頻年過客無，悵緒樂叟聞來說泰皇。

治音安樂紹熙初試聽咸韶可並驅鼗武磬襄奚足數  
作成從此不愁無

嗚嗚胡笛鷓鴣聲三疊鳴鼉舞袖輕燈市花村舊歡醉  
如今自厭邈無情

壬寅立春

經旬寒雨正霖霖纔轉東風便肯晴我自西疇心念熟  
不須學稼始歸耕

蓼醯蔬餅媚晨羞一飽寧知老到頭但聽兒童語聲喜

黑頭青角看泥牛

堂中安奉高宗壽皇今上御書碑

路轉修林特地殊九光霞氣羃仙廬蒼瑤不刻飛天篆  
盡是三清玉帝書

集英殿立侍觀進士唱名六首

早放天扉一刻開更聲初斷雨聲催不因變化魚龍日  
焉有風雲轉首來

山繞彤城瑞霧凝催班曉色漸分明龍門肅立章身別

得著銀袍却最榮

君王策士幾臨軒好學隆儒古莫肩忠鯁盡將裨治道  
不令鼂董譽空傳

青衫如草照春塘爭傍龍墀捧勅黃功業便從今日去  
莫教人道只文章

先世親題鴈塔名宦途漂泊最關情難將此語逢人舉  
歸問寒齋舊短檠

科目從來本自寬才疎祇合作龐官雕蟲半世將何用



可惜南湖負釣竿

讀韓非傳

諫鼓招言事蔑聞  
昧時自鬻更紛紛  
胸中著許隄防策  
不救危身肯濟君

題掛劍圖

當年許與有誰知  
人忽邱陵我獨悲  
遜國曩時猶易耳  
不應留劍使心欺

孟嘗君

狗盜雞鳴却遇知可憐真士不逢時詩書若作空言看  
鳳至鸞游孰致之

題趙祖文畫

破烟飛鷺不排行林外青山閱曉光村犬吠人循岸走  
見成詩句省思量

送馬舍人赴建康軍幕

柳營謀客自楓宸去去尖風雁字勻莫把吟詩替橫槊  
新亭北望正愁人

陸嚴州赴召喜成三詩

精舍欣聞已解驂  
風檣不易到江干  
一緘試讀幽人語  
莫作時情賀禮看

榮辱心中總不疑  
因公環召獨成詩  
祗愁相見無多話  
不似尋常夢裏時

知己從來自有天  
除書寧復待人傳  
青雲直上非逾分  
占上聲名五十年

點視馬驛因成兩絕

別駕今晨檢驛亭道迎羸卒破銅鉦當年錯飲書窻夢  
蔽日旌旗出塞兵

萬里關山過險巖風廊聊此憇權奇天開徑上從茲始  
想見長鳴振鬣時

武子得監左帑歸甬東待次

看湖初過月陰陰同望燈屢話夜深帆向西興人便遠  
再來華近莫相尋

簡馬莊父

才名曾道相君知  
少忍黃梁數日炊  
堪笑南湖愈踈拙  
相逢無話說多時

何氏書堂

誰云學官不同源  
人鏡風流百世存  
想見當年臨案牘  
必無書限誤成根

憶夏墟山園

松處築亭何日見  
霜時開徑去年行  
速排忙事成幽事  
已覺貪山浪得聲

題郭水堅畫美人二首

從來憨態最難宜  
只把紅綃映雪肌  
自是一枝香杏了  
莫嫌都不帶花枝

雲髻釵梁倚鬢鴟  
玉溫水潔謝鉛華  
欲知占斷人間韻  
便是春風寂後花

謁陸禮部歸偶成二絕句

欲識清狂自在身  
關門湖上獨經春  
今朝正接黃梅雨  
却出衝泥訪故人

有口寧論點與癡相投無過只談詩要知此客非忙客  
欲去遲回尚讀碑

有懷新筠州楊祕監寄贈八絕兼桂隱茶

老子生來鐵面皮要渠嬉笑莫過詩可憐百巧卿雲手  
拙直今年一奏詞

送公蕭寺意徘徊客衆登車不忍歸明日尚將詩寄我  
要令鶴骨轉難肥

聞道忽忽不住程如今應已到鄉城亦通朝路音書不

朝外可能空舊情

初時華節漕江東臺閣爭留省閣中換得一州如斗大  
便無人挽信詩窮

少有羊曾踏菜園更教清苦嚼筠根何如添得如椽筆  
就向西江一口吞

蟹寒蚓叫亦何心老賊奚堪領活深

誠齋嘗戲予云予詩中老賊也

非

是交遊無遠別幾回因此慘離襟

諸子分鑣不待鞭愈憐肥犬滿人前何須妙處趨庭說



心學乘閒盡底傳

茗芽封去且隨書林下多慚好物無鼻孔  
捺天猶得在却須持贈竹香爐

新詩

飛雪年年似故人相逢真味一番新  
別來莫問塵寰事鬢色幾如雪色勻

一酌橋亭即便回雪粘桃樹學踈梅  
若教湖上鷗來了此日真須三百杯

回至泰陽村得家信二首

乾鵲飛鳴遶路隅  
長須迎望果持書  
雞豚本自無煩餉

七日山行慣食蔬

桂隱聞知得雨來  
榴花應對竹光開  
歸家早見南湖月

飲水猶勝舉酒杯

崇德道中

破艇爭划忽罷喧  
野童村女闌籬邊  
令人說著蘓隄路  
花滿清明畫鼓船

羊蹄根老漫溪潯  
天蝶閒飛興亦深  
春色醉人勝似酒  
覓詩天氣要微陰

踈籬遮竹竹難遮  
卧向溪流一桁斜  
綠底睡鳬應自愛  
起來揺翅各成花

枸橘花繁雪有香  
風吹成陣入船艙  
若教知我園中路  
不肯芳菲驛舍傍

曹村觀落日

日欲西時暮靄凝  
何嘗落向遠山層  
分明萬丈青羅幕

金定四庫全書  
卷七  
遮却銷金罩裏燈

五家林四首

故鴨成羣趁暖暉  
村童遮護只狂飛  
多多益辦真難事  
半里撐船趕不歸

岸轉欣逢擎擎兒  
威成千步響琉璃  
沒波豈但尋魚喫  
水不能濡只我知

草木敷榮怕入秋  
霜天却自不窮愁  
彈丸都把黃金鑄  
亂掛枯疎凍樹頭

散亂飛鴻掠快晴  
嗷嗷那復苦寒聲  
定知已入新詩了  
纔過余舟便不鳴

車中聞人說谿澗如水晶色口占一絕

澗水流如活水晶  
道傍一語喚人醒  
山林未必渠能說  
說著山林便可聽

題禹廟二首

從來大智特閑閑  
手足胼胝意不艱  
千古夏王崇廟祀  
濬川功用只隨山

為人心切屢忘家力量方知有等差莫信空山葬冠劍  
且吟古屋畫龍蛇

自錫山歸舟中三首

牆上天桃竹頂齊矮橋橫水屋橫陂主翁受用三竿日  
門外催租總不知

破驛遙臨放馬場兩鷗飛下更蒼涼東風莫起雕鞍興  
白髮欺人念故鄉

帆腰風便得歸程天末層雲暗又明淺色雞兒深色草

知誰教汝喚詩成

宿上湖

落日烘蒙紫翠間  
舟人遙指洞庭山  
雲情水態明朝看  
且伴新蟾宿柳灣

望亭夜泊

新月何曾展畫幃  
便教星斗避寒輝  
思量自在天公最  
昨日峯頭有雪飛

石門小泊

近村非少茂林枝十二烏巢一樹棲應恐此間難覓句  
預先留作我詩題

潘茂洪借屋地主催起僕以山園暫假寓泊書  
兩詩送之

竹栽方訝不成陰寸地城中果寸金莫使無家輕發嘆  
北山園裏翠烟深

種藝吾方屋數間圖書雞犬稱君閒徑携桃葉航湖去  
別有新居却載還



行次德清

波鳴船板喚晨興  
倦曉揩摩得夢醒  
到縣陰晴休更問  
野禽聲已喜人聽

浮圖立處覺天低  
迎我船行十里時  
不是前山明復暗  
那知頭上白雲移

漸涼山水倍清華  
不說漁樵亦自嘉  
好是超人全省力  
龜溪纔過又荷花

携楊祕監詩一編  
登舟因成二絕

今日何曾獨自來船中  
相伴有誠齋須知不局詩編裏  
妙用方能處處皆

造化精神無盡期  
跳騰踔厲即時追  
目前言句知多少  
罕有先生活法詩

相士陳邦彥覓詩

眼力知君已絕倫  
奉傳一法更通神  
看渠天爵高人爵  
方是人間富貴人

行次下渚湖二首

綿延蒼岫補林空  
菱荇通船萬鏡中  
黃白花明如繡出  
蜻蜓猶愛蓼成叢

野童綠草牧鵝羣  
詩料今朝得幾分  
俯仰縱橫皆合律  
雲如層樹樹如雲

雜興

迢迢秦隴舊家山  
百萬貔貅擁節還  
讀盡一編時自許  
西風吹夢玉門關

小圃秋光不世情  
蠹枝枯枿忽重青  
凌晨自灌銀床水

居士新看種樹經

細讀南山扣角歌  
機鋒投處幾曾多  
道人不踏門前路  
敝帚其如自愛何

園步雜興

懽意千年孰與齊  
恰如穉子候門時  
八旬半載爭多少  
匹似淵明已較遲

萱籬黃葉被蔬田  
靜極情懷似黯然  
居舍又從東壁看  
柳梢濃處起厨烟

無風寒色自淒迷  
晚日低籠一徑微  
竹裏鳩藏初未覺  
小車行過忽橫飛

池心誰放葉舟橫  
蓮藕還如入夏生  
病起一天雲意好  
淺坡閒讓鹿先行

園中荒穢漸平治  
老子何妨鬢有絲  
從此五行無晦氣  
一閒成就萬篇詩

立秋後一日池上雜興

漁舟閒上揭踈篷  
倚徧荇華岸岸紅  
兩日新秋涼便覺

費人詩句是西風

船艚何事若輕雷盪葉衝蓮一道開莫待歸時方命酒  
徑從花上遞金杯

小娃猶記喜歸時故唱前年自賦詞但得池邊鷗鷺聽  
更須門外野人知

冰輪艷艷湧東牆魚觸波紋破碎光十萬人家眠正熟  
誰知涼滿一胡床

道傍叢祠榜云老人廟

里俗崇祠想報功袍韡包裘雪髯翁休嗟事始無人識  
縱有豐碑亦是空





欽定四庫全書

南湖集卷八

宋 張鎡 撰

七言絕句

次韻京口叔祖見寄四首

欲訴中心話許長尺書恨不寄千張新篇喜逐東風好  
變盡人間草木荒

山堂初展稱婆娑曲逕移栽雜樹多應是我翁歸舍後  
便登繁要亦來過

病起逢春自獻酬  
醉狂詩體類俳優  
追攀雄傑誠堪笑  
寄去稽遲更合羞

汲古無初不讀書  
屠蘇新製帖僧廬  
癡禪晝夜蒲團上  
貪睡猶勝學宰予

次韻酬王之孟見贈

相逢未問有詩新  
識得全然少得人  
莫怪世間多不愛  
翰林憔悴少陵貧

次韻姜邦桀見訪留贈三詩

飽看朝霞與暮雲一丘一壑大無塵  
關門果是倦迎客  
倒屣還因有句人

繞林遊遍更沿陂薄暑車行不下帷  
最喜竹君相伴久  
見渠生子子生兒

何曾一事擾中扃醉便投床夢亦清  
書卷猶嫌舊時習  
未能熟處放教生

次韻呂浩然四首

小築茅堂亦有廳規摹林野自然清  
仙風道骨真人後

過我應除喝道聲

李義山謂松下喝道為殺風景

作詩誰道有梯階當下由人肯放開字字不為聲病縛知君得處自天來

秋水清來不釣魚有時遮眼強尋書過從閑客猶全少況是朝官更合疎

天然風景異人為門外南湖不姓西指日芙蓉盛行發何須出郭看蘇堤

過野翁亭因登峯嶺山憩崇壽院僧軒共成四

絕句

古縣依山慙乍遊  
欲行因路始窮幽  
攬空石壁膠林合  
更做行程急也留

溪流逢旱息潺淙  
野竹橫趨亂石中  
莫恨鐵冠人已去  
我來權合號山翁

甲子峯高正屬連  
白雲騰涌似爐煙  
羣仙若訝歸來晚  
只躡雲根上碧天

巖隈蕭寺得躋攀  
數翠邀嵐不復難  
已向城中專一壑

更須隨處款青山

舟過良渚

船出修門未有詩  
直須鳳口汎晴溪  
緣何觸景方吟得  
拙句頻年不立題

南湖有鷗成羣  
里閭間云數十年未常見也  
實塵中奇事  
因築亭洲上  
榜曰鷗渚  
仍放言六絕

居士園門甚處開  
傍城猶未著樓臺  
門前湖水三千尺

引得沙鷗來肯來

旋開斜港放船出更著小亭臨水看軟紅塵裏江山景  
便著丹青畫亦難

東家西家翁媼說白洋湖自有多年何曾識見江鷗至  
消得主人詩興顛

朝陽鳴鳳國之祥瑞事吾家鷗鷺行最愛幾聲煙外響  
和他漁艇獨敲榔

十五年前過楊子爾輩出沒波濤中爭知今日得共住

急喚酒來澆晚風

不因他處食無魚來慰先生索寞居走筆贈詩君莫笑  
從遊此是最相於

出城二首

只道南湖沒樣奇出關又有許多詩便須抄取天然句  
纔下工夫走却伊

扁舟初上一聲雷兩岸濃雲亂欲堆堪笑此時晴太早  
篷遮未定雨先來



以桂隱櫻桃從益之博紅酒詩

聞道君家琥珀霞  
杭州那更說梨花  
櫻桃顆顆堪持比  
換取一尊來水涯

新市道中

野晴天碧共溪長  
畫樣飛來白鳥雙  
舟小不禁風捲岸  
菰蒲無數入蓬窻

夜聞漁歌

非竹非絲響裂空  
高歌三唱出漁篷  
清谿激越猶如許

想見湘波歟乃中

訪安福寺叶上人

蒼苔徑入舊栽竹樹裏橋橫新鑿池  
丈室穩居清絕地  
豈容支遁不能詩

西莊夜歸

草聲真似過田間唧唧蟲催興未闌  
珍重小輿能從我  
夜深穿遍竹陰寒

題本覺寺

繞架蒲萄葉尚稀  
瓦爐閒炷栢煙微  
年年綠暗軒窗意  
却恨春風不早歸

一徑橫穿蘚翠封  
滿空聲動玉琤琮  
林居豈是無修竹  
未有清陰似此濃

題圓覺寺跳珠軒

籜龍來向石根蟠  
幻出摩尼躍翠盤  
今日山中晴亦雨  
可無風過發清寒

清明日書亦菴壁二首

春情緣雨復緣晴  
晴即閒行雨即吟  
花好滿園看未遍  
出牆鄰樹又關心

光陰高柳欲飄綿  
拂著薔薇錦壁連  
莫道行人總無識  
定因羅爵愛門前

題南山劉家寺松雲軒

紅蘼牆頭蜂過葉  
翠藤池面蟻行枝  
暫來數刻有餘興  
若住此軒何限詩

尋桂南山至崇壽院因往靈石三首

折枝登几已孤妍  
况值風林水石邊  
犖路斜飛蓋歇  
丁寧茅店畧停烟

迎客山僧未下廊  
好風吹鼻便生狂  
莫疑佛宇清芬烈  
蘼蔔曼殊共借香

山頭籐斷空垂子  
亭下泉荒不滿池  
老衲坐來知敬客  
南音猶記鬼仙詩

閒步遊紫極觀

孤榜前春冰雪清  
山祠閒步意無營  
曾耽幽蹊穿廊曲

猶記筠冠問客生

鐵行者

皂林普濟院老僧每初睡時以叉頭釘夾紙燭寘案上名鐵行者

僧舍生涯只且然養他行者不須錢  
龍潭莫問僧叅得  
吹滅燈時各自眠

彭祖巖道中

白鷺橫來正作羣忽從區稻綠間分問  
渠曾過城中否  
應識南湖水際雲

曾幼度許過訪兩詩問訊

寒窻不住閱清文  
煉石真為五色雲  
拄杖橫擔東魯教  
長安今次欲誰聞

詩不能工張約齋  
有人曾說訪渠來  
病餘百拙慵開口  
願聽晴空起怒雷

暑行

誰敲白石生熱烟  
舉頭見嶺思回鞭  
修竹林間有寒甃  
莫打渴鳥教近前

水邊

金史四庫全書  
卷八  
翠藤縈樹夕花明無數圓荷貼亂萍酒力半銷來照影  
晚風輕澹鶴梳翎

晚眺

小閣梯檐竹作籬晴陰登眺百盤宜懸知皓月升雲海  
不賦如鉤似鏡詩

觀水上斜照

吹落天河入水中分明金鍍晚來風若非日脚流成汁  
平楚青還染得紅



題山長庵

相國歸來未肯閒  
自將日月煉成丹  
思量漫把黃金鑄  
一段精神畫亦難

懼庵書事四首

畦丁相引繞園行  
指說亭基不記名  
因想後湖題柱處  
樹林曾見作詩成

老藤橫路幾星霜  
骨相清堅壽自長  
敢憚側巾方可過  
折枝為予也何妨

曲澗斜穿竹最奇  
豈容長夏有炎曦  
林深縱怯湖風猛  
更為支筇立少時

人生富貴盡浮雲  
何必須因不義分  
若有一丘能作主  
更慙冠鄧立功勲

送客至無相蘭若歸過慈雲嶺小憩崇壽寺書  
所見十首

故殿簷陰石滙泉  
針魚苔淨樂回旋  
持盃挹取雖無暇  
照影心腸更洒然

野香別是一般風  
幕直平岡好翠松  
更許虛空畫山水  
細鋪霞浪襯雲峯

山腰路轉湧蒼蛇  
山下修筠媚白沙  
正要澄江舒倦眼  
莫教緣岸有人家

嶺度慈雲境累涼  
前看湖面後看江  
詩魔半餉難調伏  
除是休來却易降

南山好處劉家寺  
門裏松篁一逕衝  
自有禽聲喜迎客  
不須知事更鳴鐘

老僧分袂脩三年猶記芳池躍翠泉  
新疊兩山都未識  
北堂引看更東偏

支徑坡陀竹最多籜龍纔起更成窠  
穿嵐觸翠坳塘出  
一片香來得嫩荷

井分泉脉透巉巖誰道飛流是假山水  
鳥樹林皆作供  
可憐居士只偷閒

亭橋兩面看芙蓉靜數波間小隊魚  
碧幃彎環遮去路  
淨天終待此同居

欲歸停馭重徘徊破費林間雪一杯留取半山看未了  
大雲時節約重來

過楓橋寺

妙絕吾宗有舊題  
晴暎過敢留詩只消記取今朝景  
不是烏啼月落時

聽琵琶

四絃么鳳雜雛鶯  
不作商舩塞路聲  
花影透簾清晝夜  
細將攏撚說多情

紹興間國工胡偉琵琶擅稱一時其徒豪興得  
胡心傳之妙今年七十二清健伎益精從容  
話故都事使人感歎因書小詩與之

半生繁會想梨園醒耳秋風鳳語絃我亦秦關歸未暇  
故都休說汴河邊

許道士房

涼蟬亂叫朝暮雨獨鶴不迷前後山芎藭煮湯勝茗椀  
栗花然火稱松關

得家書

北堂萱獨雁行疎旅夢通宵只敝廬未暇拆封忙喚僕  
先將安否問何如

玉塞金河阻去程醉中嘗夢賦西征天時不與人心合  
獨守寒窗數鴈聲

風沙來往稻梁謀江北江南一歲道非為紅樓斷消息  
待梅暗候自清愁

雨中聞雁

小雨終朝濕翠霏  
渚蒲汀樹白瀾瀾  
若嫌鳴雁無厭足  
回到潮州又索詩

看鴈

曉晴羣鴈欲何之  
正是青天似紙時  
橫斜數行有聲字  
服殺虛空解作詩

張以道歸自甬東先餉土物兩詩為謝

梨柿魚鹽來海上  
殷勤持送與閒官  
緣何似得千金贈  
明日重親語笑歡



紅滿芙蓉菊滿黃連朝衰病負秋光  
乘除自此無憂惱  
醉賞家園一萬場

夜坐因觀楊伯虎和春字韻詩偶成五絕再寄  
挑盡燈花夜未眠清寒渾忘是春天  
霜侵綠鬢張居士  
空坐書幃三十年

案上因翻簡鐵堆親朋何日和詩回  
高懷剩得清閒力  
滿紙溪山秀色開

往事追思重慘傷相從常醉德勲堂  
每登此岵數鴻鴈

老淚風前必數行

注高宗御書德敷二字為先君寢堂名

官情儂自本來無  
君亦琳宮暫逸居  
西華武夷俱絕勝  
可教詩卷此時疎

茗雪從來著志和  
子雲寧久占煙波  
速歸逕上清班好  
時過南湖伴浩歌

春日

銀葉煎香細雨聲  
竹陰行處藥花明  
麥光小楷臨唐帖  
更有人間第一清

寒食前一日西湖閒泛三首

艷紅香白徧遊人  
花柳酣歌識太平  
野客獨諳閒意趣  
草煙空愛一川明

驟暖懸知雨信濃  
半陰臺榭碧烘濛  
何心更敢携壺去  
孤槩微吟尚未工

衰鬢爭如竹際苔  
秋千猶記玉驄回  
短籬數尺花成簇  
一日春悰不往來

春雲

松邊寒彩過前山  
松下鋪氈坐不還  
澤物為霖休自苦  
且來相伴約齋閒

四月上澣日同寮約遊西湖十絕

自得城隅水北居  
西湖幽討句全疎  
今朝掩簿抽身出  
更向誰邊不一書

清曉溟濛雨氣濃  
出關晴色便蔥籠  
層雲特為詩人喜  
添起山頭四五峯

賣龜船小樣猗連  
折得蘋花亦當錢  
我自滄洲隔三載

此花風調只依然

飯餘飛蓋北山來上苑虛堂柳際開繫馬林間寧復散  
却容拄杖卓青苔

賜沐山行策最長遊人此日却相妨洞天只得東邊賞  
開過燈花斷殺腸

夾堤全少露桃紅獨許垂楊翠拂空千古蘇仙幾曾死  
騎鯨時或下亭中

茭葑茸茸展翠氈六橋分舞燕翎纖撐船掣出蒼灣去

要看山圍玉鏡奩

喜逐芻蕘禁苑東  
舜絃調處剩薰風  
戎葵學得宮衣纈  
不作人間錦樣紅

寮寮招邀勝引多  
曠懷真語當絃歌  
聯翩逸駕知難及  
乞我扁舟著釣蓑

豐樂樓前未夕暉  
可堪魚鑰限城扉  
詩成快向歸時寫  
丹墨明朝與興違

鷗渚亭次韻茂洪西湖三詩

出城猶記四年前  
朝看西湖到暮煙  
自有南湖相暖熱

可曾頻過六橋邊

謂蘇堤

老子看山今益工  
只憐雲氣不憐峯  
擡頭半餉無人說  
自向波心汎短篷

塵土奔忙舉世人  
無過白白鬢毛新  
一般要撰眼前樂  
泉石由來樂較真

三月望日微雨汎舟西湖四首

清明纔過雨連風  
着色湖山便面中  
草上踏青人自出

艤船無地不飛紅

非是天慳一日晴  
晦明多態屬詩人  
雲翻畫樣烘濛墨  
波捲紋頭起窠銀

倭纈簾垂柳外樓  
靚粧微露玉搔頭  
承平氣象應如此  
憶殺金明水殿遊

隄樹枝條老更成  
豈容他處夏陰清  
東風不惜吹芳草  
綠滿鶯兒燕子情

湖南午坐雨作歸山堂共成四絕句



簾外青山隱樹林霎時來看便沉吟  
騎聲蓋色都除盡  
唯恨詩情染最深

或擬香山或擬陶有時無句只蟲號  
作詩磊砢猶之可  
字寫不成方是高

西山俄起一聲雷不覺如拳雨點來  
滴遍池中萬荷葉  
又催蒼筤海榴開

平時吾亦愛吾廬今雨巢禽亦引雛  
好是堦前四高檜  
枝枝葉葉綴明珠

送櫻桃與范尚書二首

誰將絳蠟千枝淚  
鎔作驪龍百斛珠  
酪盃冰盤非我稱  
敢煩西子薦陶朱

滿架酴醿雪未乾  
滴堦紅顆照春殘  
知公有意參金鼎  
馳送朝霞九轉丹

藤枕詩

為愛江湖細雨聲  
短篷歌聽買隨行  
那堪老去便輕輓  
肯羨珊瑚與夜明

詠清苦

清苦任渠詩作祟  
黑甜安爾睡為魔  
七言賦就賞音少  
一枕覺來佳興多

寫扇

世間功業任差殊  
心地明時自有餘  
若道必從勤學得  
當年稷卨讀何書

南湖書事五首

初來作舍少人行  
橋外如今滿市聲  
繞岸種成桃間柳

金人四庫全書  
卷八  
一家和氣萬家生

過午人家起竈煙被風輕引向晴川須臾却與雲陰雜  
不礙玻璃鏡自圓

科樹梯斜倚暮暉犬聲如蛤透疎籬謝天排出江村景  
副我憑欄一望時

水鳥鴻儔已可聽澹然分練鴈波聲成羣爭似沙鷗少  
別有高閒物外情

恍看灩灩紫金幢日脚橫瀾萬褶光吹到檻邊爭蕩激

直疑身似水仙王

夏日南湖汎舟因過瓊華園六首

淡日輕陰晒麥天水邊閒喚木蘭船不遊東港西陂熟  
爭得人知是散仙

草生荒徑沒靴深寂寂危亭蘚暈侵翠輦不來知幾夏  
野禽啼暝古松林

兩岸人家水映門誰知城裏有深村照畦罌粟紅燈密  
繞舍戎葵紫纈繁

頭上雲忙雨欲來  
箬篷還轉碧蘆隈  
中流數點沾衣濕  
便放西山夕照開

詩思渾如菖歎苦  
官名那似术羹香  
朝來但聽霏微雨  
自種叢榴怪石傍

滑泥寧復問懷沙  
且醉杯中琥珀霞  
觸事背時還獨笑  
安排明日取蝦蟆

即事

池通幽澗碧如油  
試水新驚小拍浮  
行過板橋花片落

被風邀上採菱舟

旋買花栽得野香  
浴蘭天氣日偏長  
槐龍或躍無人見  
淨掃風塵置竹床

竹院橋廊未放晴  
一涼生處綠交橫  
隔林休厭荷池小  
風葉時傳潑雨聲

書葉軒

當處心安即洞天  
黃連一炷勝龍涎  
閒房幸自無人到  
誰放白雲來枕前

正是桐陰雨乍晴  
隔籠黃鳥女兒聲  
筆牀經笥閒家具  
物物皆從我太平

園繡亭

盤屈迴廊面面同  
頂門開竅更神通  
非關意匠玲瓏巧  
示現圓融轉物功

晨步西澗

日炙芹泥積漸融  
一灣新漲小橋通  
不因野鴨飛來喜  
忘却生涯書卷中



聽鶯亭

牆頭正對南湖柳  
湖柳迎風翠掃空  
最喜音聲為佛事  
亂蟬賡唱夕陽中

晚步松下

人昏束縛外申時  
我獨園居不必歸  
最是蒼寒堂下好  
亂松梢上看雲飛

靈芝寺避暑因携茶具汎湖共成十絕

城裏今年熱異常  
出城蕭寺未全涼  
髮毛吹盡人間暑

除是芙蓉十里香

佳處湖山昔縱遊繁華常恨過清幽今朝莫入名園去  
只向風蘋蕩小舟

松竹孤山處士居高風落落有誰如南湖放鶴能迎客  
景行先賢或未踈

西陵橋下最陰多花外山明湧黛螺開遍酒樓人未上  
幾聲煙斷採菱歌

臨津臺殿似蓬萊柳色荒涼鎖翠苔萍港不知人事改

通船如望帝堯來

白髮催愁酒量慳  
軟塵盈袂飲尤難  
小童正對茶鐺立  
堪伴先生入畫看

一色琉璃碧簾橫  
更無觴豆引飛蠅  
從渠日氣如湯烈  
不礙盆中數尺冰

撐傍羹魚宋媪家  
綠荷裹飯薦匏瓜  
玄真受用非隨俗  
尚欠風前雨笠斜

高峯南北雨浮圖  
桂隱相看有四載  
餘休怪出關猶從我

有詩處處是儂居

別浦歸時捲釣緡  
蕉裳蘭佩淨無塵  
水蒨秋晚重來賞  
只約春鋤不要人

園中雜書四首

因病經旬不賦詩  
無詩病思轉難支  
今朝詩句未成了  
已覺全無病可醫

大田非但仰梅霖  
百畝園中受賜深  
著子榴梢珠迸火  
放花梔樹玉抽金

木芙蓉遶岸傍栽水芙蓉滿池內開池畔忽生尋丈葉  
引花穿岸入叢來

黃昏橋上據胡床青靄濛籠總是香未說居閒南面樂  
且乘北面十分涼

園中雜書四首

春雲天上白成行春草人間綠自香  
登岸桃花三百樹  
碧溪休問短和長

為要看花旋築臺海棠猶未一分開  
從今莫道晴時節

不是晴時也合來

芍藥抽紅葉未齊  
畦丁籠鶴避花時  
始知有喙長三尺  
輸與藏頭曳尾龜

初生科斗聚如拳  
鼓吹駸駸聒夜眠  
料得魚蠻生妄想  
麴車那解口流涎

園中口占二首

荇帶荷錢漸滿池  
吹香隔岸盡茶蘼  
潛魚忽擲金梭起  
補足今朝未了詩

石楠花似碎瓊花只就香中便點茶欲識此堂奇絕處  
山林朝暮不離家

池上

綠卷晴荷插滿池珍禽來慣帖船飛看雲只似尋常立  
何獨今朝忘却歸

波紋迴處恰雙魚小草花紅點綠蒲不是幽人相管領  
枉教造化着工夫

海榴如火發高簾空鬪炎炎烈日紅爭似梔花渾是雪

淨香薰透一池風

暝天雲重碧成陰  
留得山頭一桁晴  
荷柄枯斜開鏡面  
照人歌坐聽魚鳴

池邊二絕

屢欲池邊看曉煙  
曉煙多是獨貪眠  
紅渠似怪人來晚  
不肯回頭却粲然

淺側荷盤綠尚新  
一蛙危坐壓荷脣  
定知不發窮愁嘆  
背縷丹金踏水銀



池上次潘茂洪韻

水禽花底靜藏頭  
識我青蘋欲暮愁  
三十六陂焉用許  
一航衝岸柳絲柔

題蒼雲亭

老檜分行直瓦亭  
激泉巖罅骨毛醒  
從來廬阜太行眼  
對此須教一樣青

初聞湖南蛙聲成三詩

杏花楊柳傍清明  
淡迤風光畫不成  
春到此時須急賞

金少府人卷八  
統堤今夜有蛙聲

競喜蒿蓬月到時，莫嫌喧噪沒新奇。  
憑誰試問波神看，定誦南湖近日詩。

皇恩汪濊及蟲魚，爾得安心大澤居。  
科斗未生休縱樂，

吳儂傾聽且防渠。

禁捕數年時，  
亦有私釣者。

綠筠軒舊在於潛，寂照寺今移立縣。  
治之東竹

間鑿小池植蓮為賦兩絕

按圖得此已欣然，勝趣何嘗有變遷。  
一把香茅千箇玉

不妨邂逅揖蘇仙

氣韻非關竹有無  
莫嫌清蔭雜芙蓉  
官居不俗從何得  
窻下風翻未盡書

分題得古木

穴處曾經起怒雷  
斷藤枯蘚半離披  
根莖託土何妨遠  
會見春風長活枝

雲露堂

種玉栽瓊樹樹勻  
主人心地況長春  
便教不假雲間路

金史四庫全書  
卷八  
亦有芳菲日日新

南湖上觀萍

風掠浮萍水面來  
翠綃成段接還開  
無情却似多情物  
不到詩中不肯回

題荷花畫屏

芙蓉世界水為宮  
宴處鏗轟沸鼓鐘  
後乘舞妃香十里  
月寒誰見曉騎龍

連朝

連朝溪雨溢荷塘流水傾銀萬葉香不是風吹亂花側  
那知處處著鴛鴦

次韻酬王夢得西湖上見寄

一萼香紅未破塵綠波驚眼自搖春晴新策蹇湖邊去  
供作他年畫裏人

甲辰仲冬八日元衡携兩詩過訪及歸次韻酬  
送後篇兼寄張武子

每將幽事當功名唯欠能詩竹裏僧逕寓此篇為疏引

菴成來往豈無憑

合處疇能證不疑  
吾宗神秀歲寒姿  
無書寄便今猶懶  
說似應須倩老師

張似之送栗子木瓜

帶日零風色未乾  
肯隨槃俎鬪爛斑  
客爐爆處從瓊破  
女手批時忌蜜慳

題崔慙畫白鷺伺龜

能言元緒已失計  
潛來公子尤多機  
藏頭殼裏勿自暴

曳尾泥中胡不歸

持上人別久矣一日來訪舉似近作且言遷寓

新房因次韻贈之

幽雲心性阿師同懶復隨春泥白紅指日茶香申舊好  
蔓陰牕戶葡萄風

曉邊

曉邊花面雨濛鬆鶯避金丸翠竹叢春半風光自招舉  
按歌姑洗旋移宮

水蕉

籠叢舊愛谿邊樹路轉清風盡日陰  
窻下不生分別相  
石盆秋水養蕉林

次韻酬張郎中賦水蕉四首

春去論年卒未回溪頭傳信却先來  
綠牋展盡全無字  
此語何堪諭俗埃

火雲空際正嶺岼漫瞰平湖百畝寬  
葉葉是風根是雪  
一窻因雨忽生寒



詩卷尋常要往回今朝却怕此詩來只緣快讀清涼語  
返覺林居有世埃

往年植處倚蒼岼曾蔽秋苔兩席寬別後不因貪水宿  
兒孫那得許蕭寒

騎鯨橋

池港開門就作橋朱欄相望壓鯨腰風搖慢捩游溶綠  
波底何妨著霽霄

鷗渚偶成二首

金匱山房詩集 卷八  
畫陰無意到湖亭引客悠然試一行便有同盟數公在  
冒煙揮袂喜相迎

去去西南綠篠灣折旋遵渚又飛還輕拳擊水纖鱗起  
滴瀝波明一帶間

從張子立覓驢二絕

蹇驢休愛鵠毛青指日驂騑輦路行聽水聽松方屬我  
灞橋風雪可寒盟

幾回曾許借儂騎興到牽來已早遲乞與南湖了幽事

白裘烏帽要相宜

燕坐

甕面水明紅  
菡萏草頭風  
戰黑蜻蜓平生最愛遊  
俠傳燕坐且讀離騷經

為君刻意五七字  
甫壯知心一兩人  
百計縱疎終辦此  
直疑賈孟是前身

夜賦

月黑林間亦自奇  
蓮花兩朶白如衣  
初疑野鷺池中立

試拍欄干嚇不飛

題畫扇

誰將琢月揮雲筆  
偃仰江山尺素中  
眼界未舒君莫厭  
出門三丈軟塵紅

春日汎舟南湖因遍遊近港坐間書客所攜四  
扇

遠近高低錦樹明  
直疑春教蝶多情  
人間萬事思量盡  
只好園居過此生

絲簾同上木蘭船細草熏熏柳色天  
要是有詩方稱此  
不然枉作地行仙

先須放櫂繞湖遊  
倒看行雲水底浮  
客去莫歸朝市說  
引渠無意作公侯

賞玩歸來日未斜  
門前春水綠楊遮  
園亭西畔晴尤好  
一色牆頭見杏花

題扇

梧竹風來玉枕涼  
月高偏愛占華堂  
休言境界親曾有

畫出如聞夜氣香

次韻徐衡仲餉淮白魚

謾浪功名付直鉤誰能鏖戰學焚舟隨人不但羹魚美  
解道江蟠似鹿頭

戲放韓致光體

意繡風前側帽簷落梅紅在麥修纖歸家說盡單行處  
可奈溫香翡翠奩

橋亭觀月

全似蒼崖湧月輪  
暗林橫貫一溪明  
家中幻出山中景  
圯上追涼恰二更



